



Quartu Sant'Aleni

NOVAS IN SARDU

mesi de abrili

Su progetu "Sa lingua in Quartu" est finantziau de sa Regioni Autònoma de Sardìnnia cunforma a sa L.482/99 "Normas in matéria de amparu de is minorias linguísticas stòricas" e a sa L.R. 22/2018. S'ufitziu de sa lingua sarda est in sa Biblioteca de is minorias linguísticas, a disponimentu de scolas, assòtzius, atividadis cumertzialis e de is tzidadinas e tzitadinus chi bolint imparai a ligi, scriri, fueddai in sardu; po cursus de formatzioni in lingua sarda, tradutzionis, consulèntzias.

02/04/2024: Social Gallery: proietzioni de su film "LA TERRA DELLE DONNE". Sighint is initziativas de su progetu de coesioni sotzialis "L'aperitivo in rosa" de parti de s'assòtziu "Centro Studi Eida". Mèrcuris, su 10 de abrili 2024, a ora de is 18.00, nc'est sa proietzioni de su film "La terra delle donne" de Marisa Vallone anca est "The Social Gallery", in bia Porcu 43.

04/04/2024: PUL: cunsiderus e osservatzionis fintzas a su 13 de maju 2024. Giòbia, su 04 de abrili, in sa Sala de su Consillu s'est fatu un'atòbiu pùblicu po presentai su PUL (su Pianu po s'impreu de is litoralis), su documentu de indiritzu stratègicu chi disciplinat s'impreu de is àreas demanialis maritimas, sceberendi is àreas de fruitzioni e cussas de tutela ambientali. Su Pianu, aprovau de su Consillu cun deliberatzioni n. 11 de su 20/02/2024, est intrau in sa fasi consultiva, duncas is tzitadinus interessaus podint presentai cunsiderus e osservatzionis finas a su parri definitivu de sa Regioni.

04/04/2024: Rassinnia 'VIACONVENTO': Nino Landis presentat "In punta de billette". Sighit sa rassinnia in S'Ex Cunventu de Quartu Sant'Aleni, promòvia de su Comunu e programada po su beranu 2024. Mèrcuris, su 10 de abrili 2024, a ora de is 18:00, in s'Ex Cunvento, s'at a presentai s'arregorta de poesias in lingua sarda "In punta de billette", de Nino Landis.

05/04/2024: Coesioni sotzialis: cumentzat in su mesi de abrili su progetu po is giòvunus "Generazione". Sighint is initziativas de coesioni sotzialis aprovadas de s'Assessorau a is Servitzius Sotzialis de su Comunu de Quartu Sant'Aleni. Cumentzat su progetu po giòvunus cun prus pagu de 30 annus de edadi, cun su titulu: "GenerAzione – giovani protagonisti della comunità quartese", promòviu de s'Assòtziu "TDM 2000 International".

05/04/2024: Rassinnia "QUARTU AUTORI 2024": in Biblioteca Elisa Pilia presentat su liburu "La bambina del vetro". Sighit su programa culturali de su Sistema Bibliotecàriu Urbanu de Quartu Sant'Aleni. Un'àteru apuntamento de "Quartu Rassegna Autori 2024", nc'at a essi lunis, s'08 de abrili 2024 a ora de is 17:30 in Biblioteca Tzentrali, bia Dante n. 66/68, cun sa presentatzioni de su liburu "La bambina del vetro" di Elisa Pilia.

06/04/2024: Pagamentu de is cartellas: domandas in lìnìa fintzas a su 31 de maju 2024. Su Comunu perlongat is tèrminis po su pagamentu de is cartellas esatorialis (cun sa "Rotamatzioni Quater" cunforma a sa Lei de Bilàntziu 2023 - n. 197/2022). Istzitadinus podint manifestai a s'Enti sa voluntadi de pagai is cartellas sena de interessus.

08/04/2024: Tzentrus Sòtziu Educativus: laboratòrius de buratinus. Initziativas po is pipius, cun laboratòrius de buratinus mein is Tzentrus Sòtziu Educativus po is giòvunus, chi s' Assessorau a is Servitzius Sotzialis at abertu in tzitadi. "Mani in alto" funt laboratòrius po pipius de is 6 a is 10 annus, aprontaus de Rita Xaxa. S'ant a fai giòbia, s'11 de abrili 2024 a ora de is 17:30, in su Tzentru Sòtziu Educativu Intergeneratzionali in pratza IV Novembre n. 36, e cenàbura, su 12 de abrili a ora de is 17:00, in su Tzentru Sòtziu Educativu e po Giòvunus in bia Mar Ligure 3, in Flumini.

08/04/2024: Sa lingua in Quartu: collaboratzioni de s'Ufitziu de sa lingua sarda cun s'Istitutu Porcu-Satta. Gràtzias a su progetu "Sa lingua in Quartu", studiau de s'Aministratzioni comunali, finantziau de sa Regioni e aprontau de s'Assòtziu Sa Bèrtula Antiga, sa lingua sarda si promovit e si stùdiat in sa scola. Ocannu funt is classis I C e I F e is classis II C, II E e II F de sa scola segundària de s'I.C. Porcu-Satta a a sighiri, in lingua sarda veiculari, unu progetu asuba de sa stòria medievali sarda e un'àteru progetu chi ddi nant "Is parcus nostus".

08/04/2024: Clima: unu progetu contras a su mudamentu climàticu. Una fàscia birdi a ingìriu de sa tzitadi, po parai fronti a is mudamentus climàticus e po auniri s'àmbitu urbanu a sa naturalesa. Sa Giunta comunali de Quartu Sant'Aleni at aprovau su pianu de forestatzioni urbana in tzitadi, chi previdit un'interventu de 287 milla èurus po su prus in s'àrea sud-est de su Tzentru urbanu finas a sa zona litorànea.

09/04/2024: Social Gallery: "Il Posto Sicuro", una mostra de Bibi Elle. Cenàbara, su 12 de abrili2024, a ora de is 18.00, apuntamentu nou anca sa Social Gallery inbia Porcu 43, dirìgia de Jo Coda, àinturu su "V-Art Festival Internazionale Immagine d'autore".

09/04/2024: Aggiornamentu a su DUP: sa Giunta aprontat òperas mannas. Fornaci Picci, Ex Distillerie Capra, Pratzza Dessì noa e Mercatu Tzìvicu nou, Teatru tzitadinu. Sa Giunta Milia traball a lestru po is òperas mannas in tzitadi e annoat finas su DUP (Documentu Ùnicu de Programatzioni) 2024/2026, innui ddoi at su Programa Triennali de is esigèntzias pùblicas.

10/04/2024: Biblioteca de Flùmini: presentatzioni de su liburu de Stefano Salvatici. Po sa 'Dii mondiali de su liburu e de su diritu de autori' in sa Biblioteca de Flùmini si presentat su liburu de Stefano Salvatici "Storia della Scuola materna in Sardegna. Dagli anni Cinquanta del secolo scorso, ai giorni nostri. Aspetti economici, psicologici e sociali a confronto". S'atòbiu at a essi martis, su 23 de abrili 2024, a ora de is 17.30.

11/04/2024: Rassinnia 'VIACONVENTO': Luciana Satta presentat "L'ARTE DI ESSERE FIGLI". Sighit sa rassinnia ViaConvento cun sa presentatzioni de su liburu de Luciana Satta "L'arte di essere figli". Nd'arrexonat Luciana Satta paris cun Carla Mura, mèrcuris, su 17 de abrili 2024, a ora de is 18:00, in sa Sala de is pinturas de s'Ex Cunventu de is paras de bia Brigata Sassari.

12/04/2024: Quartu Bike Festival: su 25 de abrili torrat su ciclismu de is giòvunus. Giòbia, su 25 de abrili 2024, dii de sport in Quartu po is giòvunus de 4 a 12 annus. Est in programa sa primu editzioni de su "Quartu Sant'Elena Bike Festival", gara ciclistica Short Track aberta a is categorias Mini Biker, chi s'at a fai in su Parcu de Molentàrgius.

16/04/2024: "Diabete in cammino – Prevenire e curare": in Quartu s'Ultramaratona. Cuàturu diis de caminu in su Sud de s'isula e unu cunvènniu pùblicu in su spidali "San Giovanni di Dio". Est sa de doxi 'Ultramaratona Diabete in cammino', chi interessat finas su Comunu de Quartu, po promovi maneras de bivi prus sanas.

16/04/2024: Greca Piras est sa garanti tzitadina po is diritus de s'infàntzia e de s'adolescèntzia. In Quartu ddoi at una professionalidadi noa: su Garanti de is diritus po s'Infàntzia e po s'Adolescèntzia. At a essi Sa Dotora Maria Greca Piras, Dirigenti Scolàstica casteddàia, chi at traballau po atividadis de diretzioni e coordinamentu in unus cantu progetus po su Ministeru de s'Istrutzioni.

16/04/2024: Su Consillu at aprovau sa varianti a su PUC po su chi spetat Fornaci Picci: sighit su progetu. Sighit sa rivolutzioni urbanistica in Quartu Sant'Aleni. Su Consillu Comunali at aprovau sa Proposta de varianti a su PUC, chi previdit sa cunversioni de una parti de àrea de zona S a zona C, po sa cualificatzioni noa de ex Fornaci Picci.

18/04/2024: Biblioteca Tzentrali: Isabella Floris presentat su romanzu "Aria". Sighit sa rassinnia "Quartu Autori 2024": lunis, su 22 de abrili 2024, a ora de is 17:30, Isabella Floris presentat su liburu "Aria" in sa Biblioteca Tzentrali de Quartu in bia Dante n. 66/68. S'autora nd'arrexonat cun Daniela Tevere.

18/04/2024: In su Tzentru Sòtziu Educativu s'Ufitziu de sa lingua sarda arregordat "Sa Die de sa Sardigna". Su 28 de abrili de su 1794 est una dii stòrica po totu s'isula. Si ndi chistionat in su Tzentru Sòtziu Educativu su 24 de abrili 2024 (mèrcuris), a ora de is 16:30: "Sa Die de sa Sardigna - Sa festa de su pòpulu sardu". Est un'initiativa aberta a totu sa tzitadinàntzia.

23/04/2024: Cumentzat sa limpiadura a su noti de is stradas de sa tzitadi. Si comunicat a sa tzitadinàntzia chisu 06/05/2024 (su primu lunis de su mesi) at a cumentzai sa sperimentatzioni de su servìtziu de limpiadura de is stradas a su noti.

23/04/2024: Scolas de Quartu in festa: amigàntzia cun Brindisi e abertura libreria. Duus apuntamentus chi ant interessau s'Istitutu Cumprensivu n. 1 Porcu-Satta e s'Istitutu Cumprensivu n. 5: nascit s'amigàntzia cun una scolacun indiritzu sportivu de Brindisi paris cun s'inauguratzioni de sa Libreriedda "Piccola libreria libera Ali di Carta", po sa Dii mundiali de su librue de su diritu de autori.

23/04/2024: 25 de abrili: festa de sa Liberatzioni. S'Aministratzioni Comunali de Quartu Sant'Aleni, po su de 79 anniversàrius de sa Liberatzioni de Itàlia, tzèlebrat sa Festa de sa Liberatzioni.

25/04/2024: Festa de sa Liberatzioni, in pratza XXV Aprile Quartu arregordat a Antonio Atzori. Po sa festa de su 25 de abrili, Festa de sa Liberatzioni, Quartu s'est atobiada in Pratza XXV Aprile, paris cun is rapresentantis istututzionali, s'Anpi, is assòtzius de ex cumbatentis e de arma, su mundu de sa cultura e de su volontariau e medas tzitadinus chi ant bòfiu arregordai a totus is màrtiris de sa libertadi e tzelebrai is valoris de sa Repùblica e de sa Democrazia. Inaugurada finas sa targa in arregordu de Antonio Atzori, resistenti antifascista nàsciu in Quartu Sant'Aleni, mortu in Mauthausen su 23 de maju 1944.

26/04/2024: De su 17 a su 24 de maju 2024: beneficèntzia in s'Ex Cunventu cun sa mostra "Celebrities 4 UNICEF" In s'Ex Cunventu de is Paras, in bia Brigata Sassari, cumentzat sa mostra de òperas de arti e "Pigotte Unicef", de su 17 a su 24 de maju 2024, de is oras 08:00 a is oras 20:00.

26/04/2024: Biblioteca de Flùmini: "MAGGIO DEI LIBRI", leturas po is pipius. Finas ocannu su Sistema Bibliotecàriu de Quartu pigat parti a sa manifestatzioni natzionali 'Maggio dei libri 2024' cun leturas po pipius e piciocus de is scolas tzitadinas.

26/04/2024: Tzitadi "Green": Quartu pigat parti a s'arretza de is Comunas Sustenìbilis. Quartu Sant'Aleni est sèmpiri prus birdi: s'Aministratzioni comunali pigat parti a s'arretza de is Comunas Sustenìbilis, assòtziu sena de scopu de lucru nàsciu in su 2021, a favori de sa sustenibìlidadì in totu is setoris: ambientali, sotziali e econòmicu.

27/04/2024: "Poetto Fest": s'afòrtiat su servìtziu de trasportu pùblicu. Iniziativa noa po promovi s'impreu de su trasportu pùblicu, a favori de sa seguresa stradali e de sa sustenibìlidadì ambientali. Po s'eventu "Poetto Fest 2024", chi s'at a fai in s'Arena Opera Beach de Quartu Sant'Aleni, su CTM, paris cun sa Regioni Sardìnnia, at a afortiai su servìtziu de trasportu pùblicu de andada e torrada de s'eventu.

27/04/2024: Indàgini in contu de mobìlidadì de is abitantis de sa tzitadi metropolitana. Cumentzat su "Progetto Pollicino" ([link https://www.cagliaridlab.it/it/iopollicino.page](https://www.cagliaridlab.it/it/iopollicino.page)), unu stùdiu chi proponit soluzionis noas po sa mobìlidadì de is abitantis de sa Tzitadi Metropolitana de Casteddu.

29/04/2024: Biblioteca Tzentrali: po s'iniziativa "Maggio dei Libri" si presentat su romanzu de Alessandro De Roma. Ainturu de sa manifestatzioni natzionali "Maggio dei libri 2024", cenàbara, su 03 de maju 2024, a ora de is 17:30, est in programa sa presentatzioni de su romanzu "Grande terra sommersa" de Alessandro De Roma, in sa BibliotecaTzentrali in bia Dante. Cun s'autori nd'arrexonat Daniela Tevere, cun leturas de Valentina Loi.

29/04/2024: Biblioteca po piciocus: atìvidadis in su mesi de maju. Calendàriu cun unus cantu apuntamentus in sa "Biblioteca Ragazzi" de bia Dante 68, cun 18 iniziatives cun is classis de is Istitutus cumprensivus de su tzentru tzitadi e de sa Scola primària "Sacra Famiglia". Is atìvidadis s'ant a fai paris cun s' Assòtziu "Minuscola", cun sa cooperativa COMES e cun su Consultòriu tzitadinu.
